



DON GHAEILGE - DON ÓIGE

ÓGRAS

random|placstcd

POLASAÍ AR DRUGAÍ & ALCÓIL.

MÍ NA NOLLAG 2013

Aidhm.

Is é aidhm an pholasáí seo ná a chinntiú go gcoinnítear gach ball club sábháilte ó dhíobháil a bhaineann le drugaí, agus iad páirteach i ngníomhaíochtaí an chlub.

Cuspóirí.

- Cur chuige comhsheasmhach a fhorbairt i leith ceistanna a bhaineann le drugaí, rud a bheidh glactha ag gach ball den chlub.
- Nósanna imeachta agus prótacail a fhorbairt a dhíríonn ar cheistanna a bhaineann le drugaí sa chlub.
- Nósanna imeachta soiléire a dhearbhu chun eachtraí áirithe mí-úsáide amhrasta drugaí a bhainistiú.

Sainmhíniú ar Dhrugaí:

Cuimseoidh an téarma “druga” gach substaint a chuireann malairt ghiúmair ar dhuine, idir dhleathach agus mhídhleathach, chun críocha an pholasáí seo, agus cuimseoidh sé substaintí amhail.

- Alcól
- Tobac
- Leigheasanna “thar an gcuntar” amhail paraicéiteamól, frith-hiostaimíní, leigheasanna casachta srl.
- Drugaí ordaithe amhail antaibheathaigh, análóirí, pianmhúchán srl.
- Substaintí luaineacha amhail aerasóil, gliúnna, peitreal, breoslaí lastóirí toitíní srl.
- Drugaí rialaithe amhail cannabis, eacstais, amfataimíní, beacáin draíochta, cócaon srl.

Mí-úsáid drugaí & alcóil a chosc.

- Níor chóir don fhoireann nó do cheannairí a bheith ag caint ar bhealach míchuí faoi ól alcóil, go háirithe ól iomarcach alcóil, nuair a bhíonn siad i láthair daoine óga nó oibrithe deonacha óga.
- Nuair a bhíonn ionadaíocht á déanamh ag an bhfoireann, ag ball den Choiste Stiúrtha nó ag ceannaire deonach ar son Ógas ag ócáidí seachtracha ag a bhfuil daoine óga faoi 18 mbliana d’aois, níl cead acu alcól a ól.
- Níl sé inghlactha go mbeadh baill foirne ag ól alcóil i ngnáthchúrsa a gcuid oibre. Níl sé inghlactha ach an oiread go mbeadh duine acu ag teacht chun oibre agus é/í faoi thionchar alcóil nó póit a bheith air/uirthi.
- Ní ceadmhach alcól a ól ag ócáidí seachtracha a bhaineann le hobair nuair a bhíonn ball foirne nó ceannaire ar dhualgas.

- Ag gach ócáid sheachtrach eile a bhaineann le grúpaí piaraí, mar shampla, ag comhdhálacha, áit a mbíonn an fhoireann i dteagmháil le daoine óga nó oibrithe deonacha, caithfidh foireann Ógras alcól a chaitheamh go measartha, ós rud é go bhféachtar orainn go gairmiúil mar eiseamláirí do dhaoine óga.
- Níl cead ag Oibrithe Deonacha ná ag an bhFoireann alcól a cheannach nó a chur ar fáil do dhaoine óga. D'fhéadfaí pionós a chur ar Oibrithe Deonacha nó ar an bhFoireann má sháraítear an riail seo trí alcól a cheannach nó a chur ar fáil.
- Níor chóir d'Oibrithe Deonacha ná don Fhoireann alcól a chur chun cinn, glacadh le hurraíocht a bhaineann le halcól ná le hearraí a bhfuil brandáil alcóil orthu agus ba chóir dóibh cosc a chur ar fhógraíocht alcóil ag gach áitreabh óige.

Oideachas faoi dhruaí & alcól.

Socróidh Ógras clár oideachais ar dhruaí do bhaill, tuismitheoirí is araile, de réir mar is cuí. D'fhéadfaí go gcuimseodh an clár oideachais seo ar dhruaí cur chun cinn pholasaí an chlub, cur ar fáil litríochta, ceardlann nó seisiúin eolais.

- Déanfaidh Oifigeach Forbartha an Chlub socrú i gcomhar le cinnirí an chlub chun oideachas ar dhruaí a chur ar fáil **go bliantúil do dhaoine fásta** a bhaineann leis an gclub.
- Déanfaidh an tOifigeach Forbartha socrú, i gcomhar le cinnirí an chlub agus Ógras, chun oideachas ar dhruaí atá **oiriúnach don aoisghrúpa** a chur ar fáil **go bliantúil do dhaoine óga** a bhaineann leis an gclub.

Freagairt ar eachtraí drugaí agus alcóil sa chlub.

Má sháraítear an polasaí seo, déanfar déileáil leis an sárú sin i gcomhréir le nósanna imeachta smachta na heagraíochta.

Prótacal le déileáil le mí-úsáid drugaí

Féachfaidh Ógras le freagra a thabhairt ar gach eachtra a bhaineann le drugaí ar bhealach daingean agus cothrom, leis an meas cuí ar shábháilteacht agus leas na ndaoine atá i gceist, bhaill eile an chlub agus an phobail i gcoitinne. Comhlíonfaimid aon dualgais dhlíthiúla a d'fhéadfadh a bheith i gceist chomh maith.

Eolas a Thaifeadadh

Déanfar eolas maidir le heachtraí líomhnaithe nó deimhnithe a sháraíonn an polasaí seo a thaifeadadh i scríbhinn. Is fearr fíricí a thaifeadadh agus luaifead gach tuairim mar thuairim. Taifeadfar freagraí ar chásanna chomh maith ar an mbealach seo. Ní ainmneofar daoine ar leith ach i gcásanna deimhnithe.

Discréid

Cé nach féidir rúndacht a gheallúint déanfar gach iarracht a bheith discréideach.

Tuismitheoirí/Caomhnóirí a Thabhairt Isteach

Beidh gá le tuismitheoirí/caomhnóirí a chur ar an eolas faoi eachtraí a bhaineann le duine ar bith faoi bhun 18 mbliana d'aois. Tabharfar cuireadh do na tuismitheoirí/caomhnóirí plé a dhéanamh ar an méid a tharla agus coinneofar ar an eolas iad faoi ghníomh ar bith a dhéanfaidh an club. Ainmneoidh ceannairí an chlub duine chun na tuismitheoirí/caomhnóirí a chur ar an eolas ar bhonn cáis ar chás.

Na Gardaí a thabhairt isteach

Beidh gá leis na Gardaí a thabhairt isteach i gcás eachtraí a bhaineann le soláthar mídhleathach drugaí. Maidir le gach eachtra eile a bhainfeadh le drugaí, déanfar breithniú ar leith ar gach cás ar leith agus is faoi chinnirí an Chlub atá sé cinneadh cé acu an gá nó nach gá na Gardaí a thabhairt isteach.

Monatóireacht agus Measúnacht

Tá an polasaí seo i bhfeidhm an t-am go léir agus i rith na ngníomhaíochtaí go léir a dhéantar faoi choimirce Ógras. Déanfar measúnacht ar an bpolasaí seo go bliantúil agus tar éis gach eachtra a bhaineann le drugaí.